

外史

十一

和書門			
類	號	函	架
四二五六	一三三	一三	一六

內閣文庫		
和書	號	冊
四二五六	一六	一四〇

內閣文庫		
番號	和	42556
冊數	16 ( 6 )	
函號	140	113

史傳載紀

新刊納本






日本外史卷十一

足利氏後記

武田氏

上杉氏

武田氏源義光裔也義光子義清稱武田冠者從父受射  
傳伯父我家之旗及無楯之甲世居甲斐義清孫信義及  
子信光等從源賴朝起數有戰功與逸見小笠原氏分領  
甲斐賴朝移小笠原氏於信濃以加藤氏代之以及足利  
氏之時信光後十餘世曰信滿上杉禪秀之亂信滿以與  
之連婚為逸見所讒自殺二子信重信長信重與族父信  
元逃為僧信長依加藤氏與逸見關足利持氏伐而降之





欲以其邑盡附逸見將軍義持不肯賜之於信元信元死  
于幼其將跡部專國招信重爲假主結城之役信重有功  
新充守護乃誅跡部逸見加藤皆臣屬焉信重後五世曰  
信虎與駿河豪傑久島某戰而勝之以是日生男因名勝  
千代長曰晴信沈毅多權變信虎愛少子信繁欲廢晴信  
晴信故爲癡騃狀以自晦與信繁角材技輒出其下或佯  
墮馬爲人扶起諸將皆侮晴信晴信獨與駿河國主今川  
義元相結託義元其女兄夫也天文五年義元爲奏請以  
晴信爲嫡嗣加首服任大膳大夫兼信濃守十一月信虎  
出兵信濃攻海口城城主平賀源心善戰信虎以兵八千  
攻之踰月不能拔會大雪諸將議曰時已窮臘請班師敵

亦必不尾也信虎從之晴信請自殿信虎笑曰敵必不屏  
而請殿如二郎必不然也晴信固請以兵三百殿後大軍  
數里止舍親警其兵曰勿釋甲勿卸鞍食於馬而後食五  
更卽發唯吾所嚮是視兵皆竊嗤之曰風雪如此何警爲  
五更晴信卽發還向海口與三百騎冒雪馳味爽抵城源  
心已散遣其兵獨與百人留守晴信分兵爲三自以一隊  
入城二隊揚幟城外應之城兵不測其衆寡不戰而潰乃  
斬源心以其首歸獻一軍大驚信虎不賞曰舍城而歸怯  
也諸將心服晴信而不敢稱其功晴信仍有愚色信虎狂  
暴賞罰無常國人苦之晴信陰與老臣飯富兵部板垣信  
形謀益結今川義元義元素病信虎強亢欲助晴信而擅



其國信虎不覺也七年五月信虎欲逐晴信於駿河因託  
之於飯富氏而自適駿河計之義元義元留信虎不返而  
晴信自立於甲斐諸宿將莫不頹首聽命而隣國聞變欲  
乘其隙信濃士民多去附村上義清六月諏訪城主諏訪  
賴茂深志城主小笠原長時合兵一萬來攻晴信令騎將  
原加賀留守而自以六千人出拒薤崎加賀聚府中農商  
得五千人人執一紙旗鼓諫而出敵乃退去晴信浸驕恣  
耽宴樂喜詩賦不視國政羣臣莫敢諫板垣信形稱病潛  
延一僧善詩者於家學詩數旬乃出侍宴請賦詩晴信不  
信強請而可立就五題晴信大喜曰汝何遽能如此信形  
因大諫曰先君唯無道故爲君所逐今君復如此得不復

有如君者乎晴信感悟遂厲精爲政十一年三月義清長  
時賴茂與木曾義高舉信濃兵來攻諸將皆懼晴信曰四  
人合從議必不一可一戰而破也乃佯浚溝高壘四人以  
爲怯進入境內晴信夜發乘霧雨逼擊大敗之四人再舉  
至平澤又擊破之自是連年相攻晴信每勝晴信舉山本  
勘助勘助三河人眇目痿臂嘗學兵於尾形某以干今川  
氏駿河舊臣皆侮易之義元不奇也勘助寄食數年板垣  
信形聞其名薦之晴信晴信召見與語大悅之即日與二  
百貫邑賜名晴行十一月晴信以晴行計取信濃九城十  
三年以信形計誘殺諏訪賴茂而納其女爲妾明年生男  
勝賴稱四郎晴信有長男義信以爲嫡嗣使勝賴承賴茂



後十四年五月與小笠原長時及伊奈氏戰于鹽尻嶺破  
之十五年三月攻戸石城村上義清將兵六千來援我先  
鋒甘利備前橫田備中等皆敗死我軍將清晴行說曰敵  
鋒不可遏使之右顧則克晴信曰我兵且不從令曷能使  
敵如我意晴行請假後隊兵左旋而出義清軍右顧晴信  
軍氣後振進擊破之晴行以功食八百貫邑乃往駿河謝  
前唾笑者交口稱譽義元悔之上杉氏將士聞甲斐兵弊  
於戸石以二萬騎踰碓氷嶺晴信遣信形拒焉而自繼之  
九月擊破上杉氏軍真田幸隆及子昌幸皆有功晴信又  
用幸隆計誘殺村上義清精兵五百十六年八月晴信取  
志賀城義清出軍上野原坂垣信形將前軍戰勝不備義

清窺其怠悉甲襲殺之晴信赴援義清率死士突入其麾  
下與接及墮馬終大敗十八年八月晴信畧地上野又與  
小笠原長時戰于趣訪原走之十九年三月復略上野聞  
長時復出而還時今川義元與相模國主北條氏康婚爲  
氏康來請晴信曰氏康與上杉氏戰將取上野願君勿先  
焉晴信乃與氏康義元連和是歲晴信削髮稱信玄信玄  
引鏡自視曰吾貌類不動佛乃使畫史爲己像執劍及索  
曰我死四隣襲入視吾像不敢加無禮也信玄連攻村上  
義清又攻高梨須田島津氏二十二年盡畧河中島四郡  
地義清等不能支相共計以爲可敵信玄者唯上杉謙信  
乃佳也之



上杉氏本長尾氏平良文裔也良文後十世曰景政居鎌倉稱權五郎以勇著東國大庭氏柁原氏皆出於景政景政後五世曰景弘始稱長尾氏長尾氏嗣絕養上杉藤景爲嗣藤景本藤原氏藤原重房從皇子宗良裔東國食丹波上杉邑因氏焉子孫爲足利氏外戚管領東國藤景其庶曾孫也後臣屬於上杉氏散處越後上野伊豆諸國自藤景而後十二世曰爲景爲景輔上杉房能于越後後以事相隙舉兵鬪房能終死于雨溝時永正三年也房能兄顯定爲管領六年顯定與子憲總率上野兵來討爲景爲景改走越中四寶顯定留徇越後越後士民不服顯定推高梨某爲將去歸爲景七年六月爲景與高梨合兵擊憲

總于樵屋破之憲總走保妻有莊隨而圍之顯定赴援戰于長森敗死憲總走歸上野爲景乃立上杉氏庶孽定實妻以其女置之上條城奉之而已居越中府內徇越後盡下之長尾氏始大天文十一年一向賊起加賀與州豪族椎名泰種神保良衡連兵叛爲景爲景自行擊之至施檀野賊將江波某佯降設窋于路迎爲景陷而殺之爲景有四男長晴景次景康次景房季曰景虎景虎幼字虎千代爲繼妻出甫八歲精悍有膽略爲景不愛也逐之椽尾欲以爲僧景虎不肯學作事及爲景死諸將多屬意景虎而大臣胎田常陸者自爲景時有權寵利晴景庸暗與二子黑田秀忠余津某及三條城主長尾俊景謀立晴景殺景



景虎防戰大破之斬俊景走秀忠十四年遣伊餘長綱赴  
京師請討賊詔旨十五年賊數來攻景虎每戰輒勝十六  
年晴景遣族政景大舉來攻定行欲出戰景虎上城望之  
曰敵遠來無輜重非久留者俟其將引去擊之可也夜半  
政景果卻景虎以三千騎開門出戰于下濱走之及米山  
景虎按兵止敵過嶺鼓衆追擊又大破之定行謂諸將曰  
諸君知主公按兵止故乎曰不知也曰敵迫險急之則返  
擊聽其過也米山擊敵不能支主公年少臨機制變如  
此豈我輩所企及哉於是政景降晴景窮蹙自殺十八年  
國人請景虎入府內胎田等猶據三條不下十九年景虎  
攻三條拔之誅胎田賊以餘兵保新山黑龍二城欲遂攻

景虎防戰大破之斬俊景走秀忠十四年遣伊餘長綱赴  
京師請討賊詔旨十五年賊數來攻景虎每戰輒勝十六  
年晴景遣族政景大舉來攻定行欲出戰景虎上城望之  
曰敵遠來無輜重非久留者俟其將引去擊之可也夜半  
政景果卻景虎以三千騎開門出戰于下濱走之及米山  
景虎按兵止敵過嶺鼓衆追擊又大破之定行謂諸將曰  
諸君知主公按兵止故乎曰不知也曰敵迫險急之則返  
擊聽其過也米山擊敵不能支主公年少臨機制變如  
此豈我輩所企及哉於是政景降晴景窮蹙自殺十八年  
國人請景虎入府內胎田等猶據三條不下十九年景虎  
攻三條拔之誅胎田賊以餘兵保新山黑龍二城欲遂攻



信能爲謂書外史卷十一  
之會上杉定實卒不果二十年遣將高梨貞賴攻拔新山  
誅黑田秀忠宗佐美定行拔黑瀧誅金津越後盡定二十  
六年諸將士共欲推景虎爲主景虎曰吾迫於上下之意  
與死抗兵不科其自死而吾主越後世謂吾篡也今國內  
略定別擇主可也吾逃爲僧以明吾志遂削髮號曰謙信  
將赴野山諸將士連署請其止治國謙信曰置君將用  
其令也不用令無君可也自今吾所令莫敢或違則吾肯  
正耳乃與諸將誓而入明日山令收專命大臣十六人賜  
死于林泉寺諸將股栗五月任彈正少弼敘從五位下謙  
信曰坐受官爵非大臣義也二十二年二月假路諸國率  
兵二千經北陸入京師先詣關遂謁將軍義輝五月歸村

上義清與高梨政賴須田親滿島津規久等自信濃來投  
請謁謙信言曰僕等爲武田信玄所侵凌容身無地側聞  
公威名願賜一下手救援謙信曰諸君豈爲人下者而來  
託於我是知我也我今畧定內亂念賀越吾父讐常欲屠  
此二國遂樹幟京畿是吾素志耳雖然遇知我者而不爲  
出力非丈夫也因問義清曰信玄用兵何如曰信玄行軍  
不貪利頓每戰要勝於後謙信曰彼戰後勝意在拓地也  
吾則不然遇敵輒戰要不在其鋒耳於是下令國內以十  
月十二日治兵小田濱將八千騎入信濃放火武田氏屬  
城十一月朔進陣河中島信玄聞之請援於今川氏將步  
騎二萬出兩宮渡使山本晴行等四人覘之返報曰北軍



山陰縣志卷之十一 少壯卷十一  
○ 廿  
險甚君宜厚集其陣不戰屈之信玄從之兩軍夾冰而陣  
謙信挑戰信玄不出相持二十七日謙信遣使者言曰吾  
聞公用兵所嚮無留陣而何獨不與我決乎我於公非有  
怨仇特爲我清輩敢問公何以奪彼地公不欲與吾戰則  
還地於彼不欲還地則與吾戰信玄答曰公庇義清直爲  
高義雖然晴信而未死公不能成志也公欲戰則自公始  
謙信曰諾乃決議約詰朝會戰即夜傳發以七隊合爲圓  
陣平明度橋而進信玄勒十四隊迎戰自卯至未爭橋相  
逐勝收不決謙信分兵攻上流川甲斐軍後甲斐軍顧之  
退去橫出源助板垣三郎等及駿河七將皆死而越後兵  
亦多死傷引兵歸先是謙信數出兵越中而未得志是歲

使使招降能登國王畠山義則以女兄妻之取其弟義春  
子養之稱彌五郎實質之也是時所管佐渡及莊內會津  
盜起遣兵擊平之二十三年五月信玄與小笠原長時戰  
于桔梗原勝而降之長時終出奔京師信玄以女爲北條  
氏康婦爲長子義信娶今川義元女於是二國相共翼武  
田氏以杆鎌信而信濃客將樂富寺布下和田等陰通謙  
信謙信出兵清野縱火鼠子驛聞客將事覺被誅乃還八  
丹謙信復以八千騎入信濃曰吾此行必與信玄親戰決  
雌雄耳進涉犀川陣旣望信玄以二萬人出與之對固壘  
不出間日謙信使村上義清等夜伏兵而曉出未幾者近  
甲斐壘甲斐兵出追之陷伏皆死諸隊隨出乃大戰終日



十七合迭有勝敗信玄潛下令張繩犀川而渡伏旗幟徑  
蘆葦中直襲謙信麾下墜下潰走信玄乘勝而進宇佐美  
定行等以手兵橫擊破之擠之於河信玄與數十騎走有  
一騎黃襖騮馬以白布裹面拔大刀來呼曰信玄何在信  
玄躍馬亂河將逃騎亦亂河罵曰豎子在此乎舉刀擊之  
信玄不暇拔刀以所持麾扇扞之扇折又擊斫其肩甲斐  
從士欲救之水駛不可近隊將原大隅槍刺其騎不中舉  
槍打之中馬首馬驚跳入湍中信玄纔免武田信繁聞信  
玄危返之呼騎索戰戰死之是日兩軍死傷大常而信玄  
被創夜收兵退後獲越後捕虜言嚮騎乃謙信也弘治元  
年四月信玄攻降木曾義高以女妻之二年信玄取伊奈

郡於是盡定信濃以高坂昌宜守貝津城以備謙信謙信  
爲武田氏強敵第一諸將因榮昌宜也三月信玄謙信復  
對壘河中信玄與山本晴行等謀曰我分兵遠出越後軍  
後鼓譟逼之而以本軍夾擊必大得志乃令信濃客將保  
料彈正等以兵六千夜度戸神山時月黑迷失道不能達  
謙信見甲斐軍夜襲人馬有聲也潛起撥甲傳令舉八千  
騎出五鼓詣信玄牙營會天大霧謙信自霧中直斫營而  
入營驚潰斬山本晴行等六將而天明矣客將兵達上杉  
氏營營無隻騎顧聞河中戰聲如雷則還渡筑摩河出北  
軍後甲斐軍望見乃返夾擊北軍北軍敗走追逼之犀川  
北軍輪轉返戰包追兵將鏖之甲斐後軍橫擊救之北軍



力倒隊而退宇佐美定行植幟渡口護之盡濟甲斐兵疲  
不復追擊八月謙信復出河中使村上義清等營舊戰處  
而自進過河背水陣信玄知其志在必死不敢出戰其候  
騎報曰北軍積薪如山信玄令諸將曰敵中夜有火舉慎  
勿進擊進擊者族及暮候騎又報曰北軍掃管荷擔將去  
諸將爭請追擊信玄曰謙信豈追暮掃管者擊之必敗其  
夜北軍火起甲斐軍不動天明望見北軍疏行首嚴陣而  
待諸將乃服信玄信玄謀設伏兩山間挑戰佯敗誘敵入  
山瞰射殲之乃夜設伏而明縱馬入北軍中出輕卒追之  
謙信不出信玄慮兵老有變乘夜退入上野原謙信舉軍  
追擊信玄返戰殺傷相當突收兵歸甲斐越後兵連不解

兩國士民患之皆願講和今川義元爲周旋之謙信將有  
事於關東及越中於是和成永祿元年三月謙信自將入  
越中越中加賀將士交請降許之先是上杉憲政數與北  
條氏康戰每戰輒敗關東盡屬氏康憲政欲請援於謙信  
是歲秋憲政走入越後求見謙信謂之曰吾管領八州十  
二世於此卒爲一氏康傾覆求四隣可報氏康者獨有公  
與晴信而晴信氏康方親吾是以捐怨以歸公公能爲我  
復仇謙信曰敢不竭力當是時謙信未得志於信濃加賀  
越中亦未服而許於憲政者欲以掩爲景之惡也乃築館  
北川以寘之憲政與謙信約爲父子謙信於是稱上杉氏  
又授以其職號謙信辭曰事成受之未晚也於是會將十



議使人謀北條氏謂氏康每戰用奇曰彼用奇吾用正也  
十月將兵入上野陷厩橋沼田等五城復平井據之發使  
涼師告東戰事且請攝家一人爲關東守而北條之如北  
條氏故事二年四月再入京師營于坂本五月湖請關天  
子賜酒侑以寶劍名五虎請前關白前嗣康不見許又謁  
將軍命管領關東北三管領許乘幾輿執朱柄麾賜已偏  
許改名輝虎三年五月謙信自將攻和田城未下遣長尾  
政景侵武藏九月前嗣來館于至德寺於是謙信發二萬  
騎陣泉福寺北條氏康大舉禦之本莊繁長以所部爲先  
鋒接戰相模軍卻諸隊繼進謙信以麾下自中路進與氏  
康戰大破之關東豪傑響應乃假提越後迎憲政居之厩

兼牙城而自居其郭四年正月關東將士賀正厩橋遣兵  
攻古河拔關宿河越諸城三月謙信部七十六將兵凡十  
一萬進入相模大田三樂小幡憲重等居前建牙于高麗  
山下北條氏遣死士狙擊謙信謙信覺捕之縱還遂圍小  
田原氏康不敢出謙信脫胄穿白布幘騎白馬執朱柄麾  
馳入敵隊指揮軍事關東將士竊指曰語曰此公視吾曹  
如蟲蟻寧可終戴乎當是時信玄在輕井澤飯富兵即說  
曰謙信威焰如此北條氏必亡則我亦危矣君宜及小田  
原未陷引兵出三增嶺直當越後中軍得勝大善即不勝  
亦足以伸義天下信玄曰不可謙信用兵迅速得之天資  
血無老成之計關東將士必不能堪終當歸氏康汝暫待



之字佐美定行說謙信曰城堅我深入久頓恐有變宜及  
今收兵從之新發田治長年少爲近習自請爲殿氏康不  
敢尾擊乃入鎌倉詣爲前祠觀源氏北條氏舊圖索故物  
小八葉車載前嗣而謙信騎從焉關東將士擁衛前後小  
幡憲村操刀從千葉國胤小山政朝門閤最高爭座次不  
次亦於謙信謙信判曰在八州之士千葉氏可爲首小山  
氏不可爲尾二人不能爭恐城主成田長泰稱源賴義故  
事立馬祠前以待從士曳長泰下馬拳之長泰慚恚奔歸  
諸將叛歸者相繼謙信還至武藏府長泰與北條氏兵尾  
擊之謙信命委葉輜重於道敵爭收之因蹂躪而過入平  
井四月以憲政歸越後六月關東諸將復附氏康來攻平

井謙信聞報卽發潛軍由梭師谷出比曉擊北條氏軍待  
前軍戰半自以牙兵旁出橫擊中堅使別將遠出其背氏  
康敗走復自井廐橋諸城而歸謙信之攻小田原也北條  
氏使使請信玄北侵越後以牽其勢信玄乃令高坂昌宣  
焚掠疆上謙信大怒四年八月復出信濃擊于西條山堰  
水爲池以備貝津敵信玄與義信將二萬騎來陣兩宮渡  
以絕其歸路越後將士說曰利在速戰謙信不肯居三日  
信玄收兵入貝津以瞰謙信歸謙信自若也信玄謀曰謙  
信蓋俟吾變不動其軍也吾伏兵河中而別軍自貝津直  
往攻西條則謙信無勝敗必引兵北歸而吾承蔽鑿戰謙  
信可擒也越後諜者報曰甲斐軍出貝津南行矣謙信召



諸將問計直江實綱曰彼國內有變故乘夜引去耳常邀  
擊之宇佐美定行齋藤則信曰不然彼蓋爲二軍欲及吾  
踰河夾擊之也語未畢謀者又報曰甲斐軍渡廣瀨上河  
中陣矣謙信謂二人曰如汝言吾將出其意外也乃置兵  
兵山上而全軍啣枚縛馬舌涉兩宮渡遇武田氏斥騎十  
七八人盡斬之進壓信玄軍而陣使本莊繁長色部長實等  
將二千騎陣筑摩河岸甲斐別軍已向西條山信玄俟報  
至曉曉未辨天色見謙信牙旗在前將士皆失色越後軍  
鼓而進聲震地信玄不暇設其陣以弓銃力拒謙信常憾  
向所信玄而不遂也欲必決死自抽牙兵前逼信玄麾下  
麾下潰亂赴犀川荒川伊豆逼擊信玄信玄脫走謙信追

之義信以二千騎尾謙信後甘糟景茂等擊走義信謙信  
既克休止傳殮義信又以殘兵返襲敗之斬越後將志田  
義時以下數十人謙信執槍親鬪本莊繁長等來救復擊  
走義信或說貝津敵夜出乘我疲宜急收兵謙信不肯背  
犀川陣次善光寺三日遣使信玄欲再決戰甲斐將士又  
有請焉者信玄皆弗聽五年三月北條氏康請信玄合兵  
攻松山松山太田三樂屬城也三樂與長尾謙忠在厩橋  
令上杉憲政庶子憲勝守之告急於謙信甲斐卒將甘利  
氏臣有米倉丹後者束竹爲梯以杆銃丸諸隊倣之遂陷  
松山降憲勝而謙信方至厩橋問三樂曰松山何如曰陷  
矣謙信大怒瞋目按刀而蹠曰汝以怯夫守城使吾不及



事是辱我武也吾寧與汝死三樂懼伏不如所出乃上松  
山糧仗籍及憲勝質子二人謙信左手捽二人髮而右手  
斬之收刀復問曰敵軍幾何曰五萬人將帥誰某曰信玄  
義信氏康氏政謙信笑曰與吾敵者二人而已如氏政義  
信吾直以刀背一擊足矣如近地有敵城可攻乎曰私市  
城距此十里許謙信曰可攻也即親將赴攻三樂從之綴  
舟濟刀根川既濟毀舟過信玄氏康軍前遣使言曰二公  
攻松山而僕不及援僕深愧之不敢徒歸今往攻私市二  
公幸見帶不答乃傅城四面齊登一晝夜拔之斬城將小  
田朝真鑿三千人以志田春義代守還遣使二氏軍曰僕  
拔城而還猶可以一戰二公豈有意乎甲斐軍鼓譟謙信

免胄下馬徐行而還至厩橋召長尾謙忠曰三樂從我汝  
何不從拔刀斬謙忠屠其衆二千使北莊丹後代守然後  
歸氏康謂信玄曰公何以不戰曰吾與公敵一謙信雖勝  
可愧也信玄從容與氏康語因問之曰河越之戰公以一  
軍克兩上杉氏願得聞其詳氏康曰公在焉僕何敢言信  
玄固請曰欲使兒聞之氏康乃談其戰略信玄稱善還至  
其營謂馬場信房曰氏康手段吾得之矣六年信玄出兵  
上野取箕輪松枝諸城又略飛彈降其豪族注間常陸而  
白谷氏納款於謙信謙信於是與信玄分領飛彈謙信自  
將入越中拔松倉小出獲嘗殺爲景者江波氏合其族十  
六人盡誅之梟首旃檀野祭告爲景是歲謙信入上野取



伊勢崎四月入下總攻白井與北條氏援軍戰走之先是  
常陸小田氏治屬謙信已而歸欵北條氏謙信怒七年正  
月朔冒雪發越後入常陸攻陷小田城二月攻佐野昌綱  
於上野五月北條氏康來援逆擊走之降昌綱會足利氏  
使者來傳敕旨諭上杉武田北條三家講和息兵八月謙  
信自巡視信濃境上信玄亦出對營兩家諸將交說其君  
曰君以四郡故與強敵構兵十二年多喪士卒祇爲四隣  
之幸無爲也二人然之乃約各撰一力人使鬪勝者取河  
中上杉氏力士鬪勝信玄乃獨取貝津一城其餘盡屬謙  
信謙信乃復村上義清高梨政賴等按其故邑謙信等請  
舍于春日山號不識庵畫牌將士殉難者自弔祭之先是

謙信使長尾政景守上田備信玄已而忌之有告其謀叛  
者乃召諸親信密議誅之宇佐美定行謀曰政景叛狀未  
著誅之恐招騷擾上田要害折入武田氏君又負殺姊夫  
之名謙信不聽使定行圖之定行乃歸其邑野尻招政景  
觀漁湖中以漏船迎載捉政景同溺宣言私憾相殺因没  
入定行邑而陰祿其子收養政景子景勝令鐵安朝代守  
上田河中島之役謙信爲武田義信所襲敗曰吾乃輸小  
兒本莊繁長長尾藤景有救援之功又竊笑之謙信惡之  
誅藤景繁長自危叛據其邑遣兵討之作距堙圍守數年  
而降義信勇敢善戰將士歸心信玄忌之恐其倣已也勝  
賴以庶子陰有奪嫡之志乃與飯富兵部之弟昌景謀使



人誣告義信教兵部就軍陣圖信玄昌景蓋之信玄囚義  
信盡誅其親信賜兵部死屬其部兵於昌景改氏山縣終  
令義信自殺歸義信妻於駿河今川氏始惡於武田氏武  
田氏既不意上杉氏而其兵西出矣初信玄謙信共欲伸  
武於中原而兵結不解未暇及焉謙信之再入京師也三  
好長慶權勢力熾家臣松永久秀專政其吏徒途遇謙信  
不禮謙信命從士斬之因密啟將軍義輝請除長慶久秀  
義輝雖不能決心倚賴之久秀等頗聞之懼八年義輝密  
使使召謙信久秀等大懼欲及其未來行大事遂弑義輝  
義輝弟義昭逃走近江九年以書來託謙信以興復議不  
成義昭遂依織田信長於美濃信長擁義昭入京師遂

略定近畿頓致強大顧恐謙信信玄議其後又自知非二  
人敵也乃傾意結信玄以控謙信使幣相踵於甲斐信玄  
知其意動輒敗約欲西其兵信長患之乃送其季子秀勝  
爲質以女妻勝賴生信勝及義信死立信勝爲嫡嗣而勝  
賴護之信勝母死信長又請爲其子信忠娶信玄女信玄  
與織田氏婚遂與今川氏絕先是今川義元與信長戰敗  
死其子氏真暗弱任嬖臣三浦義鎮國人不服戊德川公  
嘗屬今川氏亦去屬織田氏兵力日強是時信虎猶在流  
寓信濃使人言於信玄曰駿河亂將爲德川所吞汝宜  
先取之信玄不答信玄國不濱海仰鹽於東海氏真與北  
條氏康謀陰閉其鹽甲斐太困謙信聞之寄書信玄曰聞

信長傳卷十一



氏康氏真困窘以鹽不勇不義我與公爭所爭在弓箭不  
在米鹽請自今以徂取鹽於我國多寡唯命乃命賈人平  
價給之信玄使間者伺駿河曰可收也陰招國人約爲內  
應十一月廿二月外兵南入駿河軍八幡坂氏真舉兵拒  
前見寺東潰走歸府中遂走掛川信玄欲隨攻之而盧氏  
康來救乃止軍府中取諸降附任子送致甲斐間松原某  
嘗與山本晴行交各開要地可城者以久能及與津答乃  
城之氏康果以夫兵於駿河以復氏真爲名信玄留兵  
守府中而自軍與津氏康軍薩陞山相持未戰信玄曰氏  
康數與兩上杉戰其兵遲緩易與也因飲酒十酒間曰猶  
寒乎曰寒信玄曰我陣雲屯地寒而前寒彼陣山上寒可

知矣必下在其麓也令人伺其陣陣果無人乃奪其糧仗  
還後數挑戰不決至四月信玄問討諸將馬場信房曰臣  
嘗見啄木啄蟲欲出蟲於前先啄其後信玄嘿然曰然夜  
收軍歸氏真遂走相模三浦義鎮爲德川氏所誅十二年  
六月信玄出駿河遂入伊豆軍鳴島會大雨流潦侵陣引  
返於是氏康兵專防西面在小田原者甚寡信玄謀知議  
攻之高坂昌宜諫曰彼已懲謙信講戰守必悉其深入之  
一有蹉跌前功悉廢而謙信將乘其後不聽九月兵入  
壬子攻駿城邑不下者過而南入小田原縱火城下十月  
引還遇北條氏二萬兵三增嶺召諸將命內藤昌豐掌輜  
重昌豐辭信玄曰前謙信雖失輜重故收於小田原是重



職也設入伏及兵交夾擊破之歸謂昌宣曰何如昌宣曰  
是僥倖耳信玄嘉其忠讜相模兵茂駿河者聞難棄守還  
攻信玄職之十一月急田駿河拔九城獨蒲原不下信玄  
宜吉赴蒲中伏兵城傍山中而西敵空城迫之伏起取城  
遂陷府中及諸城與德川氏割大井河爲界織田信長以  
書來請曰松平家康後所最眷顧者公幸指教之家康介  
弟在今川氏必宜取以爲質關東北陸諸國皆使使賀戰  
捷於是信玄國傳南海謙信國傳北海以橫絕海內北條  
氏在淇東織田氏在淇西織田氏求援於信玄北條氏求  
援於謙信而謙信未之肯也是歲春謙信攻陷武藏下野  
諸城秋入越中攻神保長陸命島山義則不能治其下能

卷之四上杉義春治之立義則于義隆而還當是時謙信  
連畧加賀越中而時出關東兵行神速敵不能測每懸軍  
前行八州八州諸城聞其來震懼不敢出聞其還上三國  
嶺然後相告解嚴如雷雨過者元龜元年佐野昌綱族據  
飯盛城與昌綱鬪北條氏政以四萬騎助攻之昌綱告急  
於兼信正月謙信即發晝夜兼行聞氏政將分其兵當已  
而急攻拔城也謂諸將曰饒令我戰勝氏政而不救城陷  
無益吾當獨身入城堅守汝等推義春爲將繼進乃獨與  
八十騎迺氏政陣前而入城謙信穿黑綿衣不被鎧提十  
字槍騎行敵軍指目曰謙信也而大驚不敢遮擊諸將等  
至北條氏軍潰走謙信遂屠飯盛徇下野下總入厩橋北



條氏康聞氏政敗將二萬騎出接陣河越相持三月使使  
 請和質其季子三郎謙信與諸將議聽之會見于富田大  
 中寺講三郎弱授其故名曰景虎四月氏康入駿河攻深  
 澤本下又請謙信出兵上野信濃聞以糜信玄信玄自將  
 出拒交綏而退十一月德川氏質子遁去於是信玄與德  
 川氏絕而織田氏聘問益厚時氏康病卒氏政請和信玄  
 將士皆說勿許乘喪擊之盡取其地雖謙信不能支也信  
 玄曰吾夙欲出兵東海並海而西建旗鼓于京師則吾雖  
 死不憾矣前有醫人診我脉謂當罹篤疾吾經營關東而  
 中道疾作志不可成也信長乘吾輩不西以家康當我西  
 面而陰助之其計可憎我欲與氏政和而西治信長十二月

遂納氏政質使逐氏真氏真走倚德川氏時信長與義昭  
 相隙義昭以書諭信玄謙信來圖之二年二月信玄引兵  
 東出至遠江攻高天神城四月入三河陷八城德川氏出  
 援視甲斐陣嚴整不可犯不敢接戰信長聞義昭招謙信  
 信玄懼甚乃益媚事信玄以書謝曰家康密邇貴國恐有  
 違失僕當訓督之幸勿見尤信玄答曰老夫不知也德川  
 氏發願使通好於謙信載誓書請夾擊信玄村上義清子  
 國清寓越後力贊成之三年四月謙信將萬人出信濃縱  
 火長沼以逼為德川氏聲援勝賴在伊奈聞警以兵八百  
 赴指謙信曰彼敢以寡兵當我不愧信玄兒吾戒其勇也  
 引兵而還入越中夷椎名神保氏十月信玄計謙信阻雪



不能出則復出遠江拔三股城信長潛遣兵援德川氏十  
二月信玄進陣三股原以薄瀨松城縱火城下挑戰城兵  
不出信玄佯退城兵大出上原能登謂小山田昌行曰德  
川氏之陣單縱橫之旗動可敗也昌行以告信玄信玄  
乃返旆昌行與勝賴及山縣昌景馬場信房爲先鋒昌行  
昌景先合而卻勝賴信房承之衝其麾下信玄乃遣米倉  
丹後自間道橫擊太破之諸將請遂攻瀨松高坂昌宣曰  
不可我攻之三旬不拔信長必大舉來援相持數月而謙  
信出信濃則我不得不還救信長則曰我能卻武田氏矣  
是損威密也信玄乃退次刑部是役獲織田氏將平手汎  
秀送其首於信長護而絕之信長猶分疏不已天正元年

正月信玄拔野田城疾作而歸信長請將軍義昭諭信玄  
弭兵信玄辭之訴信長五罪二月使秋山晴近誘降岩村  
城城將妻信長之姑也晴近奪而納之京畿將士多來送  
款者三月信玄疾愈復發曰此行必入京師也部兵三萬  
出美濃信長以萬人出拒山縣昌景以八百騎馳之信長  
不戰而走乞和益力信玄不聽轉入三河次平谷四月疾  
復作自度不起召諸將處後事使勝賴攝衆以俟信勝長  
誠之曰汝慎勿佳兵以亡我國吾死天下獨有一謙信而  
已汝請援以國託之彼一受汝託必不與隣國合以侵汝  
也言畢惛迷已而呼山縣昌景曰明日樹汝旗于瀨田乃  
卒年五十三諸將以遺命秘喪以信玄象信綱貌肖信玄



與載之歸曰信玄有疾歸國以昏夜延見四方使者信玄  
又豫具空頭花押數百紙以備書問以故無來犯者信玄  
居常略涉書志嘗以孫子語書其旗曰不動如山侵掠如  
火其靜如林其疾如風馬場信房問曰風雖疾哉非倏起  
倏止者乎信玄曰兵鋒貴疾耳若止矣則吾以麾下繼之  
信房曰君要第二合之勝也其君臣講究武事皆此類也  
四隣頗聞信玄死北條氏政馳使告之謙信謙信方食舍  
箸而歎曰失吾好敵手矣世復有此英雄男子乎因潸然  
流涕者久之甲斐宿將馬場信房山縣昌景內藤昌豐高  
坂昌宣四人交誼勝賴請和謙信勝賴不聽勝賴性剛愎  
自用長坂調閑跡部勝資自信玄時已被近幸勝賴益寵

之勝賴欲出兵美濃四將交言不可調閑勝資勸之出會  
三河軍圍長篠乃止五月勝賴遣信房援長篠敵設伏而  
燔柴爲燒營遁以誘我將士欲追之信房曰其烟白非燒  
營也令騎往踐之果有伏乃退次黑瀨城陷而歸昌景向  
濱松亦不利歸二年二月勝賴出美濃陷諸砦五月攻陷  
高天神歸安將士昌宜昌豐相謂曰武田氏之滅兆於此  
宴矣昌宣說曰君狃勝不戢構怨四隣非長久計宜還地  
二氏與之連和稍取東國厚集其勢二嬖沮而止已而三  
嬖勸勝賴出遠江濟天龍河遇敵不戰而還還至伊奈信  
虎在焉年已八十乃欲載歸視其狂暴如故乃止四隣觀  
甲斐兵數不競知信玄定死稍窺之自信玄之死也信長



專意於謙信甲辭厚禮事之猶事信玄以其妹嫁神保長  
純長純上杉義春之兄也屬謙信者信長因陽結謙信而  
陰圖之也又陰以計招上杉氏諸將歸欵於已謙信書謂  
其反覆信長答書陳疏謙信不聽會畠山義隆將游佐彈  
正等海弒義隆以七尾城降信長七月謙信將兵三萬西  
伐攻長純本船城拔之遂入加賀屠金澤移兵攻七尾以  
義春為將努力復取能登游佐等乞援信長信長方攻長  
島不能來九月城陷誅游佐等乃休兵二日屬十三夕月  
色明朗謙信置酒軍中會諸將士酒酣自作詩曰霜滿軍  
聲秋氣清數行過雁月三更越山并得能州景遮莫家鄉  
憶遠征令將士善歌詩者皆和之遂為敵將中而歸信長

遣大兵來援聞城陷引去信長猶使使謝罪於謙信是歲  
信長招降三河將與平信昌令守長篠以備甲斐三年四  
月三河計吏大賀某陰送欵甲斐約為內應勝賴往陣楡  
城聞大賀謀覺被誅乃還五月勝賴以萬人附昌宣留拒  
越後自以一萬五千闢長篠軍道虛寺令叔父信實守為  
巢壘德川氏乞援於信長信長不敢出使者三反不許使  
者請曰不援則納遠江於武田氏為之先驅以取尾張且  
信玄已死公何怖之甚也信長乃自將來援兵凡七萬猶  
憚甲斐騎兵衝突植柵三層守以萬銳勝賴欲戰信房昌  
景昌豐等皆諫曰敵衆新來其氣銳不若且避之不則疾  
攻城雖損我兵猶可拔而歸也二嬖曰一戰夷兩敵在於



今日勿聽老怯計信房曰今日之戰老怯者必死若公等  
乃遁走耳勝賴遂留室賀行俊小山田昌行圍城而自進  
濟河陣且日敵間道襲爲巢信實敗死我陣顧而動敵衆  
挑戰昌景爲左先鋒進犯敵柵中丸死信房爲右先鋒與  
真田則幸土屋直村破柵而進則幸直村亦中丸死室賀  
行俊來請曰圍可解否勝賴曰可言未畢諸軍大潰信房  
使人馳白勝賴曰君速去臣請留死之與八十騎止戰盡  
亡其騎自登高邱顧視勝賴已遠矣乃號於敵曰我馬場  
美濃也宜斬以受重賞敵叢刺之死三嬖先遁昌宜豫慮  
軍敗也以兵八千迎於境上以歸因大諫請與北條氏婚  
以拒三氏勝賴從之信長旣大捷謂甲斐不足患所患獨

謙信乃大城安土移焉以備北道柴田勝家爲其最驍將  
因守越前居北莊八月謙信將兵入加賀攻松任城城將  
蕪木高秀乞援於信長信長將五萬人來陣御幸塚勝家  
爲先鋒謙信疾攻拔城斬高秀齎其首贈信長曰頃攻本  
城相公遠來見援幸甚然城將已授首謹此奉贈公當存  
一戰以弔之明早將相見信長許諾而乘夜退軍設八伏  
以俟諸將請追擊謙信曰信長豈徒歸者亦引還是歲勝  
賴使使請和謙信欲報織田氏謙信許之徵其質子不肯  
會德川氏攻二股城將依田幸成固守不下乃攻陷諷訪  
原遂攻小山勝賴曰彼謂我不能復出乎乃募兵二萬援  
之敵解圍去十二月幸成死德川氏復來攻幸成子信蕃



拒之勝賴命棄城退岩村又陷信長手刃其姑是月勝賴  
迎北條氏女成婚昌宣退謂人曰今夕吾始得高枕矣四  
年春勝賴出兵遠江與德川氏相持橫須賀勝賴欲戰昌  
宣諫曰長篠之役多失老將獨有臣存今又欲殺之乎勝  
賴乃退城相良而歸越後將士說謙信曰甲斐兵新敗可  
乘也謙信曰我與信玄數十戰不能取及其死侮弱子乘  
敗取之何以對天下三月謙信入越中取蓮沼獲椎名泰  
種殺之令別將入飛彈夷江馬氏遂自入加賀攻小松織  
田氏將前田利家等來援以先鋒擊破之使川田長親守  
越中柿崎景家守能登而還信長患謙信西向日夜謀所  
以禦之柿崎景家使人市馬上國信長喜曰可以間也乃

給直十倍白書謝吏索佳鷹景家貪其直數給鷹後有告  
其通款終被殺信長陰招能登人長重連加負人松任彦  
紹誘一向賊北向五年重連聚兵據穴水城小松安宅大  
道山諸城並起應之當是時筒井順慶松永久秀等據大  
和遙送款謙信請其西上又西約毛利氏東西夾攻信長  
九月謙信自將攻穴水拔之輕重連遂攻小松安宅信長  
遣柴田勝家前田利家等五將將兵四萬八千來援而已  
亦潛來助之謙信攻拔三城進至石動橋距織田氏軍十  
里而陣使使約明曉會戰信長復乘夜而逃謙信大笑曰  
信長巧於奔者也使其猶在當盡踢墮之水耳遂進攻全  
澤陷之入越前行政織田氏壘寨盡驅其守兵焚掠而進



烟塵蔽天信長退保北莊遂退入長濱謙信以天寒雪下  
又聞久秀等已敗死欲班軍乃遣書信長曰信玄既死公  
則委四郎於家康而自居安土蓋備謙信也公敬與畿內  
敵樂戰未觀北人技倆耳請期明春三月十五日聊舉八  
州之卒西上與公相見公勿視謙信同皮履都人士時京  
師人喜穿皮履故云使使齎書因贈越後布二十端信長  
延見使者言曰為吾返報越後公信長何敢與公角公來  
將盡脫刀劍獨插扇於腰單騎迎謁先導以入都公義人  
也信長所辛苦經營必不見奪也使者復命謙信哂曰信  
長奸雄甘言以怠我耳聞長條之役乘以柵與銃困甲斐  
四郎明年復必以此擬我我豈障其計哉十月歸越後聞

日傳繳大發管内八國兵期以三月五日加賀以西兵沿  
道附從京畿大震信長使使告之勝賴請捐前故修舊好  
曰謙信西上我與家康拒之北道願公直指越後事克則  
其地唯公所取勝賴不答六年三月北陸諸國兵應檄雲  
集謙信自臨簡閱申約束將發先發三日疾作三日遂卒  
年四十九卒後信玄五年矣直江兼續本莊繁長等諸大  
臣相共謀曰三郎非上杉氏胤胤乃景勝且親好宜立立  
三郎北條氏必因以并吞北陸吾輩皆為之臣僕於是遣  
上杉義春諭命急迎景勝於上田來入內城分領信守諸  
門景虎在外城日夜相閱弓銃交發織田氏細作在越後  
者走歸告信長信長大喜無黨曰天下大定矣乃令佐久



間信盛入加賀前田利家入能登佐佐成政入越中各自  
略取之景勝景虎兵結不解以故不能拒景虎終敗走歸  
上杉憲政于北川戸定城主北莊丹後開變馳至討景勝  
曰兩郎君宜各領四州共拒信長不則彼乘釁來侵先公  
所百戰而取者一旦附之敵人豈不可惜景勝不聽北莊  
怒去助景虎數破景勝兵因軍善光宗景勝母在上田肩  
輿來入城召諸將士而勗之保護信遺業將士感激力守  
七年正月景勝夜潛兵襲景虎軍後大破之北莊號走景  
勝將萩田主馬識之追而刺之於是諸城多歸景勝景虎  
走保鯨尾北條氏政聞之遣兵萬餘援景虎又請援於武  
田氏勝賴出軍飯口景勝與戰不利齋藤信直景勝以

東上野啗勝賴先以金萬兩又厚賂其二嬖三嬖交說勝  
賴曰景虎君之舅也雖然援之而克則北條氏連屬東北  
將及於君矣是與得東上野金萬兩孰利勝賴乃與景勝  
和合兵攻景虎景虎與憲政皆自殺相模兵引去氏政大  
怒與勝賴絕與織田氏德川氏約夾攻勝賴七月勝賴以  
其妹妻景勝撤貝津之戍移於沼津數出兵上野及駿河  
時高坂昌宣既死莫復諫者而二嬖益橫德川氏世子信  
康居岡崎其母關口氏有罪廢居與甲斐醫人滅慶通使  
滅慶來送款約爲內應勝賴許之事覺母子皆被殺九月  
勝賴次沼津氏政以兵四萬軍三島十月德川氏踰險入  
駿河縱火由井勝賴使別將當氏政而西二嬖故遲其行



至則去矣八年六月德川氏攻高天神十月城且陷城將  
岡部與行請援勝賴裨將橫田尹松使言曰城深在敵地  
君不宜來臣等分當守城死即得免走歸亦不難也將士  
皆贊其言勝賴曰坐不援無以藉口乃出狗上野攻膳城  
肉薄拔之九年二月與氏政相持于伊豆氏政將松田憲  
秀送款勝賴勝賴欲戰二壁止之三月高天神陷與行被  
獲尹松力戰脫歸勝賴欲賞之曰脫歸被賞在君為僭在  
臣為冒固辭不受勝賴疆土日削二壁勸其請和信長小  
山田昌辰曰晚矣長其侮耳不聽還織田氏質子請和信  
長答書辭甚倨穴山信良又說勝賴曰先公威震四隣故  
所居不設城池然聞氏康信長通好謙信則築岩殿久詭

吾妻三城以備之謙信不屑從約以故無事耳今隣國無  
復如謙信者安可不備勝賴然之乃城于薤崎號曰新府  
信長欲娶勝賴女為婦武田信豐賂二壁乃適信豐焉信  
良啣之終通款織田氏諸公族諸將亦多送款者木曾義  
昌為勝賴妹婿苦其誅救陰降信長請導其兵有來告之  
者二壁斥為虛言已而事覺十年正月勝賴欲討義昌阿  
部忠高曰其地險狹不可輒往臣請先往說紓其計而君  
兵稍從其後可也二壁沮之遂命信豐將五千人冒雪赴  
討遇義昌鳥居嶺大敗歸二月勝賴將兵二萬出陣諏訪  
遣諸將分守要害而信長已遣長子信忠引兵十餘萬自  
木曾入瀧川一益川尻鎮吉等為前部德川氏北條氏各




世傳 卷之十一  
廿七  
人舉應之下條信氏棄瀧澤走小笠原信嶺以松尾降信  
恐入至桔梗原勝賴召諸將于諏訪聚議不決城昌茂進  
而請曰方今之勢不可一日猶豫臣與尹松得假五千兵  
爲先鋒昌幸昌辰等以餘兵繼進敵不復設柵如長篠之  
役我必克之勝賴問之二嬖二嬖曰少年者所言不可用  
也阿部忠高曰臣遣間覘敵深入客地雖而不敷可襲  
也我夜合兵疾進挫其前部以破其膽二嬖不許已而信  
良叛降德川氏駿河諸城皆解走獨田中守將依田信蕃  
不下先是德川氏數攻信蕃不得志至是使人說降之對  
曰吾知守城而已不知外事乃使信良以書命之三月信  
蕃出歸甲斐德川氏招以厚祿辭曰吾赴國難未暇謀家

諏訪軍潰在者僅三千勝賴乃走歸新府信忠合兵圍高  
遠城將仁科信盛與小山田昌辰固守信忠使辨士入說  
曰狐城抗大敵豈粉可待苟出降以爲將增其邑昌辰曰  
吾報先公正在今日若何爲者敢來誘我乎執使者截其  
耳鼻放還之信忠怒以信嶺爲導疾攻昌辰力戰數出狙  
擊信忠不克城遂陷與信盛及渡邊某皆死之於是敵兵  
四面來薄而新府城壁未全勝賴欲徙避之嫡子信勝慷  
慨曰事已至此何之而免乎當焚旗與無楨徐自裁而已  
勝賴未答小山田義國欲誘執勝賴以市織田氏也說曰  
臣邑岩殿險可保真田昌幸曰弗若臣邑吾妻險有積粟  
請以死奉君勝賴乃令昌幸先歸二嬖曰昌幸新義國故



去故就新奈何勝賴遂徙岩殿令義國先歸待已於是焚  
奴諸叛臣質三百人召死節者質十人願與金各百兩散  
遣之收其重器以殘兵五百赴岩殿顧望二府君臣相顧  
泣下至柏尾待義國來迎七日不至走入駒飼民家即夜  
義國使人襲取其質乃絕關拒勝賴勝賴不知所出乃走  
入天目山兵屢四十人土屋昌恒秋山光次率其馬阿部  
忠高温井常陸擔槍從之小宮山友信單騎來從友信初  
數諫勝賴請除二變又與小山田將監者爭事並請將監  
厚結二變勝賴遂廢劍友信友信於是赴難追及於田野  
就昌恒言曰君嘗瀆我而我走君雖是傷君之罪也然不  
斗欲我義國使我義軍傷君明耳因問調問何在曰昨逃

女用服資曰亦逃問將監曰逃已十日矣友信曰唉吾知  
有今日久矣勝賴俛首而已已而山僧與村民謀導敵索  
勝賴勝賴乃使其配北條氏奔相摸對曰妾何顏見阿兄  
乎又使信勝聞道奔陸奧信勝曰大人宜奔耳兒辱家嗣  
義當死于此勝賴曰然則吾與女共死顧女未行擐甲禮  
當行禮而死乃請秋山光次為賓被信勝以無楮比禮畢  
敵兵奄至眾飢不能起勝賴以白布約髮拔刀親戰信勝  
以槍昌恒以弓翼之卻敵三次山縣氏卒辻某聚叛人自  
後山瞰射我兵皆斃昌恒矢盡且拔刀敵叢槍擬之勝賴  
走救昌恒為敵刺喉及腋死年三十七信勝亦死年十六  
昌恒友信光次等皆死之武田氏滅織田氏入甲斐懸令





曰氏族將士出降者復邑勝賴祖叔父信就信光叔父信  
綱信龍弟信貞從弟信豐及二嬖義國等相率出降皆爲  
所誅獨穴山信良得領甲斐一郡上野諸將非武田氏世  
臣者盡隸於瀧川一益信濃諸將隸於森長可與柴田勝  
家等相爲掎角以圖上杉氏時北陸訛言信長兵大敗於  
甲斐土寇羣起景勝遣兵助之與勝家等戰于越中勝家  
憚越後兵拒以塹柵其他諸將侮景勝出柵外戰輒見擊  
破瀧川一益聞之遣兵入越後五月景勝迎擊一益兵三  
國嶺大破之自將入越中拔魚津轉入信濃與森長可戰  
勝承等後取魚津五月穴山信良與德川氏俱入京師六  
月信長爲其將明智光秀所弑信良走歸金遇盜被殺一

益長可勝家聞變皆西走而武田氏故地大亂諏訪賴忠  
小笠原貞慶村上綱清皆舉兵欲後先業景勝自將兵七  
千助之七月景勝入貝津北條氏德川氏各以數萬人來  
爭真田昌幸高坂源吾初屬景勝已而通北條氏曰臣爲  
內應景勝可獲景勝覺之執誅源吾北條氏不知以昌幸  
爲前導濟筑摩川以待源吾報景勝送源吾首請戰北條  
氏懼引去已而德川氏盡取甲斐信濃景勝定河中四郡  
而歸景勝幼有武幹心誓報讎信恩以饋政景罪謙信嘗  
欲誅深澤九鬼者景勝時年十四手斬二人謙信賞賜政  
景舊邑數從軍有功謙信卒而三年克景虎將士盡伏獨  
柴田因幡者據新發田不下景勝常有所內顧以故不能



專管外事織田氏將筑前守豐臣秀吉誅明智光秀略定  
京畿與柴田勝家戰勝而殺之取加賀能登十二年遣使  
奉通好曰吾欲攻佐佐成政以取越中願子勿救景勝曰  
吾素與成政仇而越中本吾地吾欲先取之耳乃自將兵  
入越中十月攻宮崎城一鼓拔之謂使者曰越後男子用  
武如此返語筑前守吾於越中欲取即取而不取者以讓  
子也十三年四月秀吉攻降成政取越中五月秀吉獨率  
石田三成等三千人來入越後自稱使者至薄氷城見城  
將須賀告以實欲面見景勝計事須賀以兵守之而馳告  
景勝請執殺之景勝不許曰彼身司天下權而踰險入敵  
國者蓋恃前約以吾必不食言也殺之不幾即日與直江

兼續等六十餘人見秀吉秀吉屏人與語獨兼續與三成  
得侍已而別去七月上田城主真田昌幸畔德川氏復屬  
景勝送質乞援景勝遣須田某本莊某等將信濃兵六千  
赴援兵少利景勝欲大舉繼之德川氏兵引去十二月秀  
吉又使使厚賄越後君臣促其入朝十四年五月景勝入  
朝秀吉供帳路次爲奏敘正四位上任參議七月歸國景  
勝陷新發田盡定越後十五年定佐渡莊內十七年景勝  
又入京師進從三位遷中納言直江兼續爲四位侍從藤  
日泉澤安田三直皆敘四位兼續自父實綱常參謀議爲  
仇人刺死無子謙言命近士樋口與六爲嗣是爲兼續多  
文武材能事景勝尤見寵任十八年秀吉東伐北條氏景



勝與前田利家自東山道進下數十城北條氏滅又與利家徇陸奥出羽文祿元年從秀吉伐朝鮮陣那古邪二年景勝將兵入朝鮮築釜山城而歸是時上杉氏所領歲入可三百萬石秀吉心畏惡景勝之能又度謙信久訓其國人皆戴景勝欲徙其封嘗從容問之曰卿國歲入幾何景勝恐被削不以實對曰七八十萬石耳秀吉佯驚曰何少也因徙之會津食百三十萬石賜兼續以米澤地三十萬石賜越後于堀秀治景勝大悔之是歲慶長二年也三年秀吉有疾嗣子秀賴猶幼乃以景勝與德川前田毛利浮田氏並稱五大老與爲盟約秀吉薨德川公威權獨熾四年石田三成與直江兼續謀勸景勝舉兵曰羣牧共頌

推公爲諸將載書示之因密定議七月與伊竹義宣皆就國城皆指原修壘塞峙糧餉誘陸奥出羽土兵齊起又使人招越後遺民遺民競起應之堀氏不能制五年正月使藤田信吉賀正於大坂德川公厚賜之信吉歸驟諫景勝兼續欲殺之三月信吉挈家奔歸德川氏德川氏使伊奈圖書來諭景勝西上景勝不聽數德川氏背盟十罪德川公終決意東伐令前田佐竹伊達最上氏四面來擊伊達氏以會津東境先衆而至其將伊達成實片倉景綱將兵來侵景勝遣兵擊卻之七月德川公統將帥百餘人至小山景勝軍長沼分兵守嶮以待之石田三成乃矯秀賴命與毛利浮田島津小西諸將俱舉兵至美濃八月德川公



使庶長子秀康以萬人守宇都宮而自引兵西上直江兼  
續請悉兵躡之景勝弗聽會秀康來請戰景勝答曰先人  
用軍未嘗乘人危吾不敢違也且公年少非我敵吾待內  
府還決戰耳糧仗如缺乏當相給焉乃收歸會津德川公  
之西也命諸將曰景勝勁敵也慎勿與爭鋒是以四隣環  
守不敢來犯九月景勝以兵四萬附兼續令攻最上義光  
于山形義光設二十五砦待之請援於伊達政宗政宗發  
兵二萬赴之兼續拔二十一砦進攻長谷城起樓櫓擊地  
道晝夜攻擊賊將志村高治善拒景勝又遣中村式部攻  
上山城不利義光政宗合兵來援兼續軍中有傳呼曰上  
國軍敗矣已而使者至自會津傳三戒敗用命班師兼續

曰聞變而退快也乃使人入城告故旦日鼓衆齊登陷其  
外城而還義光政宗與高治尾擊之兼續返戰二十餘次  
而至水澤政宗進攻福島本莊繁長守城擊卻之六年二  
月政宗又來侵繁長又擊卻之政宗轉濟逢隈河攻梁川  
城將須田大炊鼓四伏而與戰破之四月政宗留兵備須  
田而還攻本莊本莊出拒松川侮敵不備政宗乘曉而濟  
擊敗之本莊走入福島須田聞之濟逢隈河破其兵遂襲  
政宗軍後與本莊夾擊走之景勝乃自將而出政宗驚舍  
其軍獨與十餘騎問道走白石德川公使來促其西上景勝即  
歸之景勝因秀康謝罪德川公使人來促其西上景勝即  
治行將士皆危而止之景勝曰吾豈可再負乎七月至伏



水調元八月國除獨食米澤三十萬石宥兼續罪賜五萬石慶長十九年十一月大坂兵起德川公率諸將攻之景勝與佐竹義宣爲先鋒二十四日至大坂景勝將杉原常陸尙水千衣於鎧表衆指而異之曰彼越後宿將也是其軍禮乎杉原開笑曰吾鎧太敝惡故尚此耳景勝陣鵜野義宣陣今福間日並進破敵柵景勝命植柵設壘于大和河南令隊將鐵某將銃手五百守之將士竊言曰此非戰場不知何用日午戒兵大出義宣兵不利銃手齊發敵兵乃卻已而城兵七隊出鵜野我先鋒須田大炊與戰敗走杉原常陸與安田上總長尾權四郎追擊斬其三將德川公聞鵜野戰急令堀尾氏丹羽氏來代景勝景勝以槍手

三百自環爲陣憑椅不動使者十餘輩來傳教旨皆不得入景勝厲聲曰吾在戰場雖不教命不能退一步摩兵益進遂破城兵入柵景勝銃手又驅柵內兵入城不使復出須田愧敗與五騎馳入敵中人得一首級而還德川公軍監小栗又一具狀以聞退語同僚曰今日戰旣解猶有宜進擊之機吾言之景勝辭以日暮可憾德川公聞之叱曰景勝武事若曹取得講議之次日巡視諸營至上杉氏親慰勞之遂賜功狀於杉原長尾安田須田鐵島津等杉原伏謝曰臣等何力之有焉先寡君家範猶存臣等奉以周旋焉耳退謂人曰吾從先公數與武田氏戰若今日之戰乃兒戲耳何足載功狀乎元和元年五月再攻大坂



景勝以特命留守京師陣八幡凡兩役所用軍鑑選鍊兵  
事者傳命諸管多甲斐舊臣而真田昌幸子幸村在城中  
戰守最可觀世以爲出武田氏遺法也九年三月景勝病  
卒年六十九子定勝孫綱勝相繼襲官秩綱勝夭以外甥  
吉良義英子綱憲爲嗣削十五萬石上杉義春本畠山氏  
爲謙信養子後以爲上條城主承故上杉定實後佐景勝  
擊景虎最有功德川公命復畠山氏削髮號入庵老於京  
市大坂冬役召之三條城問上杉氏行軍法諸侯伯皆侍  
焉義春爲人短小而善辨陳已嘗從謙信所聞見音辭如  
流公稱善諸將皆織田豐臣以來老兵豪傑而毋敢比擊  
者後病眼盲使人讀近代史乘聽之至武田上杉氏事往

科指其謬僞云宇佐美定行之狐定興敷澤從軍欲立功  
自贖景勝以其父故不許也流寓諸國及關原事作赴難  
會津及徙封終隱越後終身其子勝興仕紀伊亦於越後  
事跡有所踪覈初武田上杉二家並務耕戰以兵法治國  
政貴嚴刻而上杉氏作事率仗信義是其所以獨存至今  
也然世言兵法並稱二家云

外史氏曰世傳二家兵書有出後人假託者不可盡信特  
言兵於我邦期乎二公者不可不知其由也夫勇悍趨捷  
重恥輕死戎國俗所自有我先王又養之以恩結之以信  
所以撫摩鍊冶之經數百千年闔國之民親其上死其長  
如手足之扞頭目以能震懾四隣雖魏唐之強大不能加



馬者恃此俗也。及至通唐氏，乃舍此學，彼劉僕爲文，鏗強爲弱。平時奔競，有急遁逃，幾乎舉朝皆婦人矣。而先王遺民勇而輕死者，皆爲將門所收。以此奪王權，營私利，無所爲而不成。承久建武之事，輒皆爲然。故先王所以自備後王，所以自累均此兵也。顧用捨何如耳。降至戰國，此兵各爲羣雄所分領。日淬月厲，愈用愈勁，而其撫摩鍊冶教之而後戰者，莫武田、上杉過焉。故我邦兵之精極於此時。而二家又精之精者矣。且源平以還，其兵皆散而自戰。將勇卒銳者，勝非必有束伍結陣坐作進退之法。有之始於二家。二家兵法傳爲我邦極則者，出此焉。爾然源氏、足利氏、每自東國起其兵，習騎戰而足。利氏居京畿，不恤馬政，織

田豐臣、德川並起，侯甸少騎多步。卽如二家雖較多騎，亦以其國險不便騎，騎幸徒取致遠。至戰，輒舍馬步鬪。故騎戰遂廢。又用火器與長槍以爲軍鋒，而弓矢之用稍衰。是又我邦兵體變遷不可不知也。此時兵農雖別，往往收漁獵者爲弓銃手，收盜賊爲間諜，以補隊伍。充斥候二家皆是。三家之陣大約弓銃手居前，長槍步卒次之，騎士次之。牙旗鼓螺居中，左右拒夾之，輜重居後，游兵居外。每戰交發弓銃，長槍從之士下馬以進，或自卒傍出，或自中跳躍而出，戰酣或以麾下乘之，雖變化無準，概以此爲常。一時並同此法，而羣雄環視獨畏二家，幸其噬搏不解，不敢觸犯。云夫孫武、吳起不同世而生，饒使同世，生借人之兵以



施已之法不能大展其力確鬪決勝敗也今二公挾孫吳之能擅趙魏之甲而比肩接踵於一時可謂希世之遇矣後之言兵者觀二公相與之跡識其形勢機權之大然後參之其書辨別真偽其法可得而詳論余是以合叙二家焉昔吾父嘗行過甲斐甲斐民飲食必稱館君館君信玄也以信玄之恃逆而能抗強敵數十年而不相下豈非以其教民有素哉謙信之事多世所不傳余并考畠山氏宇佐美氏說又與米澤人士交游為余言如此

日本外史卷十一終



